



## **Universitätsbibliothek Paderborn**

**Joannis Commirii E Societate Jesu Carminum Libri Tres**

**Commire, Jean**

**Lutetiæ Parisiorum, 1678**

Illustrissimo Ecclesiae Principi Joanni De Montpezat De Carbon  
Archiepiscopo Bituricensi. Cum Nicephorus tragoedia eidem à collegii  
alumnis dicaretur.

**urn:nbn:de:hbz:466:1-14818**

ILLUSTRISSIMO ECCLESIAE PRINCIPI  
**JOANNI DE MONTPEZAT**  
 DE CARBON

ARCHIEPISCOPO BITURICENSI.

*Cum Nicephorus tragædia eidem à collegii alumnis  
 dicaretur.*

P ONE modum curis, paullumque abrumpe laborem,  
 Qui grege te caro super & custodibus ipsis  
 Exercet, cunctos vigilantem avertere casus.  
 Musarum festiva parat certamina pubes  
 Muneribus decorata tuis : oculisque vicissim  
 Servire, atque animis pia per spectacula tendit.  
 Maternis non h̄ic umbris agitatus Orestes  
 Feralem tristi funestat imagine scenam ;  
 Non Medea viri crimen majoribus ulta  
 Criminibus ; non Oedipodes per fata parentis  
 Ductus ad incestum ; non proli sanguine potus  
 Tantalides ; non Alcidæ labor ultimus, ignis  
 Quem meruit. Casto meliora exempla theatro  
 Te spectante decet mites proponere Musas.  
 Si faciunt ludos , ludi sunt præsule digni ,  
 Christiadumque oculis. Dat sacræ nobile scenæ  
 Argumentum , ipso præfert qui nomine palmas  
 Supposta heu ! misero Nicephorus hostia quondam  
 Saprio. Non illo alias contemnere dulces  
 Vitæ blanditias , ferroque opponere corpus  
 Fortior , & letum pro religione pacisci.  
 Illius & lacrymas , cum duri pectus amici  
 Mollire, antiquamque fidem revocare precando

L iij

Incassum instituet, populus mirabitur omnis.  
 Fors & erit, quondam ut juvenes crescentibus annis  
 Æmula succendat virtus, mortisque decoræ  
 Ambitio: & quem nunc imitando effingere gaudent,  
 Illum æquare velint, similesque referre triumphos.  
 Interea mores, etiam cum ludimus, æquum est  
 Informare pios; magnisque ad fortia facta  
 Ducere imaginibus, Christique accendere amorem.

Sed quid opus tandem veteres evolvere fastos,  
 Et peregrina sequi vestigia? propria virtus  
 Carbonum est pietas, vestræque domestica genti:  
 Unde petant morem, quos famæ haud vana cupido  
 Sollicitat. Nam seu patriam defendere certant,  
 Seu castos ritus, Romanaque sacra tueri,  
 Vel pacis tractare artes; domus omnibus una  
 Sufficit. Illa viros pariter fortesque, piosque,  
 Quos miremur, habet. Morinorum moenia testor,  
 Albanasque arces: ubi quondam sanguine fuso  
 Juratam magni heroes regique, Deoque  
 Signavere fidem. Caleti obsederat urbem  
 Sub Duce Francigenâ, fatis melioribus usus  
 Austriades. Et jam centum æra tonantia flammis  
 Proruerant muros: rupto stant aggere contra  
 Hinc Carbo, hinc bellum. Bis vulsis moenia signis  
 Adversæ irrupere acies, bis reppulit illas  
 Fortis avus. Sed enim non uno vulnere fessæ  
 Deficiunt dextram vires: cadit obrutus armis,  
 Victoresque premens prostrato corpore vincit;  
 Quaque licet, muris subeuntem submovet hostem.

Parte alia genitor Tarnis dum pugnat ad oram,  
 Albanoque urget clausos sub monte rebelles;  
 Principis ante oculos funus laudantis honestum,

*De Rhoſne.*

*Albertus Cardin.*

*Ludovici X I I I .*

Et cœlum pariter miles , martyrque petivit.

Tu quoque claræ inter tot fortia pectora gentis ,  
Illustre exemplum , & memorabile laudis avitæ  
Nomen eras ; nisi te pietas adjungeret aris ,  
Lenibus & studiis reje&to Marte dicaret.

Quanquam h̄ic bella etiam pugnax sine sanguine virtus  
Sustinuit magnis animis , atque intulit ultro.

Seu cùm impubis adhuc doctâ plaudente coronâ  
Colligeres sophiæ lauros , & pulvere honesto  
Sordidus acciperes meritam certamine palmam.  
Seu cum immortali gladio , & cœlestibus armis  
Instrueres magnam graviora ad prælia mentem ,  
Certa sequens patrum gressu vestigia presso :  
Jam tum discebas venturo infringere vires  
Errori , propriis præludebasque trophæis.

Quis dicat quantas cornu natura benigno  
In te effudit opes ! quantis proventibus austæ  
Ingenio crevere tuo ! Cum sanguine venit  
Ducta per immensam seriem comitumque , ducumque ,  
Et dominis etiam terrarum innexa coronis  
Nobilitas. Titulos atavorum insignibus ornas  
Ipse tuis : quæque est aliorum gloria major ,  
Hæc in te minima est heroibus esse creatum.

Si dignam imperio speciem vultusque verendâ  
Majestate graves cœlum dedit : ipse sereno  
Imperium mollis risu ; metuensque timeri ,  
Majestas quod habet fulgur , clementia demit.  
Nulli difficiles aditus : patet omnibus horis  
Janua , nec fandi tempus captare necesse est.

Jam quale ingenii robur , quam vivida mentis  
Fulget ubique acies , quam rebus prona gerendis  
Dexteritas , quæ consilii fiducia , nunquam

Successu frustrata suo : Prudentia viFortunæ , & casûs , æquâ regit omnia librâ :  
Ardua quæque aliis , vel desperata videntur ,  
Explicat , & cursus cogit servare secundos.

Res curare suas sacer ordo , patrumque senatus  
Temporibus duris regali iussit in aula.

Plena laboris erat provincia , plena pericli  
Conciliare pedum sceptro , pallatia templis ;  
Nec civis violare fidem , nec prodere sancti  
Jura ministerii. Votorum summa fuisset  
Hæc aliis , tam diffcili se calle ferentes  
Non titubare gradu. Medio in discrimine vadis  
Intrepidus , regisque , & patrum jura tueris ,  
Regis apud patres , patrum defensor in aula.  
Quodque magis mirum est , partes rationibus ambæ  
Et dixere suis simul , & sensere faventem.

Nec semel hæc perspecta fides , laudataque virtus  
Solemni in cœtu , quò sacro ex ordine lecti  
Conveniunt de more patres , cùm publica rerum  
Cura vocat. Quoties , procerum mirante senatu ,  
Discordes animos , populisque inimica ferentes  
Consilia , eloquio & facundæ fulmine linguae  
Fregisti : Quod Volcarum provincia floret ,  
Quod servat leges & municipalia jura ,  
Quod gemini sperare audet commercia ponti ,  
Munere quod pacis fruitur , quod regis amore ;  
Hoc tua sedulitas illi , & prudentia præstat.

Hinc illi plausus , hinc te ad fastigia rerum  
Sponte suâ dicens favor , & sine crimine prensans  
Gratia : quæque istos tibi sola petivit honores ,  
Virtutum ambitio , turpis secura repulsæ ,

Præmiaque

Præmiaque exuperans meritis, quæ maxima debet  
Roma tibi, Biturix votis certantibus optat.

## GALLUS NUMIDICUS,

A D V. C.

## HEMERICUM BIGOTIUM.

**I**L LA, vides, cōrtis dominatrix ales opimæ,  
Cœruleis paleis, minioque ardentia multo  
Colla gerens, cristamque ostentans vana minacem;  
Quæ passu ingreditur per gramina læta superbo;  
Expandensque alas pictæque volumina caudæ,  
Attonitum visu vulgus plebemque minorem  
Territat, & pompa obsequium sibi quærerit inani:  
Accola Bætis erat, cui vis invicta Deorum  
Abstulit humanos mutato corpore vultus.  
Digna cani res est: tu dictis adjice mentem  
O decus, & nostræ cura Hemerice Camenæ.

Qua propè Getulum, ponti discrimine parvo,  
Despectat litus meta Herculis ultima Calpe:  
Imperium in populos durum exercebat Alastor,  
Geryonis de stirpe satus: sic fama ferebat,  
Et mores fecere fidem. Vultu horridus atro,  
Nulli aditu facilis: contemnere suetus amorem,  
Dum metui sciret: sceptro submittere leges:  
Cæterà ventosa melior contendere lingua,  
Quam pugnare manu; timidosque laceissere fortis,  
Torva virûm vix ora ferens. Tamen inclytus armis  
Ille celebratur, tanta inconstantia famæ est!  
Et volitat longe bello memorabile nomen.  
Conveniunt juvenes diversis partibus orbis,

M